

乾隆鄞縣志

第六冊

圖書在版編目（CIP）數據

乾隆鄞縣志 / (清) 錢維喬, (清) 錢大昕修纂. —
杭州: 浙江古籍出版社, 2015.11
ISBN 978-7-5540-0722-8

I. ①乾… II. ①錢… ②錢… III. ①區（城市）—
地方志—寧波市—清代 IV. ① K295.53

中國版本圖書館 CIP 數據核字 (2015) 第 291157 號

ISBN 978-7-5540-0722-8



9 787554 007228 >

乾隆《鄞縣志》

（清）錢維喬 錢大昕 修纂

整理 寧波市鄞州區地方志辦公室

出版發行

浙江古籍出版社

地址 杭州市體育場路三四七號

責任編輯 路偉

版次 二〇一五年十二月第一版第一次印刷

印刷 杭州名典古籍印務有限公司

印數 一三〇〇套

書號 ISBN 978-7-5540-0722-8

定價 貳仟圓

鄞縣志目錄

卷序

凡例

卷圖

卷首

天章

卷一

建置沿革

星野形勝

疆域風俗

卷二

城池

鄉里橋梁

街巷津渡

坊表郵站

市鎮

卷三

山川

卷四

水利

卷五

學校書院

公署

卷六

田賦戶口
鹽課

倉儲

兵制

海防

卷七

壇廟

卷八

職官

卷九

選舉上

卷十

選舉下

卷十一

名宦

卷十二

人物一

卷十三

人物二

卷十四

人物三

卷十五

人物四

卷十六

人物五

卷十七

人物六

卷十八

孝義 藝術 寓賢

卷十九

列女

卷二十

舊志賦流

卷二十一

仙釋

卷二十二

藝文上

卷二十三

藝文下

卷二十四

金石

卷二十五

古蹟

卷二十六

冢墓

卷二十七

藝文上

卷二十八

藝文下

卷二十九

金石

卷三十

古蹟

寺觀

卷二十六

雜識上

紀事
文獻

祥異

卷二十七

雜識下

叢談

卷二十八

物產

卷二十九

土風

卷三十

辨證

舊志源流

鄞縣志卷十九

列女

士有百行女子之道從一而已後之論人者刻於
士大夫而寬於女子每見郡邑志乘人物寥寥數
人猶且從而訾議之而孤雌失偶終身不更適者
無不垂名竹帛并其夫之姓名亦賴以傳斯亦不
幸中之幸矣范蔚宗列女兼取才行高秀者今依
斯例其有詞藻可觀詩文成集者并采錄之

宋

周師厚妻范氏吳人仲淹兄子也幼孤仲淹器愛之既歸
事舅姑奉祭祀治家教子鄉里稱道之元祐以後兄弟相

繼登用堦陳瓘亦除諫官人以爲賀無喜色已而竝遭竄逐亦無憂色長子鏐謫監泉州稅念母老不忍離去乃戒之曰汝罪大責輕朝廷豈終棄汝亟行勿以吾爲念年七

十九卒

鄒浩撰墓志

冀國夫人葉氏慈谿人歸於史簡簡爲縣從事尉受賕杖平民簡憫之杖首雜朱殷以進初舉杖血流於尻尉怒以水投之誠僞卽以平民所受罪杖之歸數日死時夫人年二十五有娠簡且死屬曰若生女當嫁果男也幸謹視之後得男曰詔鄰保咸曰汝家若是祿中兒寧可恃耶夫人自誓不聽晝夜工紡績俾其子從師於鄉且日讀書以行已爲先操筆爲文詞非聖賢本旨其子訖爲善士晚歲生

產益裕養孤女數人俾有歸年八十六以終以孫曾貴盛

凡十八封至冀國夫人

延祐志

童八娜通遠鄉建魯人虎銜其大母女手拽虎尾祈以身

代虎爲釋其大母銜女以去林栗侍親官其地嘗目睹之

已而爲守以聞於朝祠祀之

宋史列女傳

鄭覃妻董氏建炎四年金人陷明州覃拏小舟與董同載

爲兵所執覃不屈躍水死董哭曰夫亡矣與其受辱以生

不如死亦自沉

宋史新編

袁進士鏞妾者不知何氏女公之死國家人方上冢回舟

次鼇山聞變妾與公之三子二婦三孫兄子衡之婦胡氏

及其子婦并二孫姑之子下及二僕一婢凡十七人悉赴

水死今鼈山有解袂滙橋以此得名也

西袁氏家乘

鄭思肖母樓氏鑰之從妹宋亡偕思肖流寓吳中寄寶林尼舍自號普西思肖則號所南皆取不北向也

聞志

元

黃天驥妻蔡氏初在室聽諸弟讀小學書至女子十年不出問曰女子之道止是乎父奇其言因教之慈孝節義及古列女事乃喜曰斯可以爲人矣年十八歸黃有子曰傳孫甫晬而黃死婦屏華采服艱勤以奉其姑以保其孤子三十餘年如一日子亦能自樹立補儒學官有司上其事於中書省表所居曰孝節

黃潛黃節婦傳

盧秀卿妻何氏至正間秀卿任管界司巡檢嬰疾而亡何

年二十五奉姑守節五十六年有司上其事表曰孝義之

門

嘉靖志

應仕鵬妻張氏年十八而夫亡遺腹生子槐矢志自守孝

養舅姑教子讀書有成任儒學官旌爲節孝之門

嘉靖志

胡志學妻王氏名守貞年十八歸胡二載夫亡父母舅姑

憐其無子將奪其志氏誓死守嗣以族子孝養舅姑朝夕

弗懈比歿喪葬如禮泰定二年旌表其門

成化志

劉氏名宜字淑靜歸定海樂壽孫壽孫渡江死同載者多

不得屍劉氏生男甫周歲抱之沿流哭而求屍屍忽自浮

得收葬焉時劉年二十九撫孤勤苦克成家業至正間表

其門

成化志

金良女名汝安少以孝聞父母多疾汝安侍奉惟謹及笄里中大家爭求聘汝安曰父母老且病雖有兄弟馳驅門戶事奈朝夕養何自是絕葷茹蔬夜則焚香告天願減己算以益父母父先母一歲卒既服斬衰三年而又服齊衰三年遠終喪年已四十七遂不嫁史官危素爲之贊

成化志

張定山妻樓氏名道真無子其媵汪生二子文海文慶撫育如己出夫疾革謂曰吾親老子幼不幸至是汝方年少自爲之樓泣誓無異志既寡父兄欲嫁之號泣幾絕奉舅姑益謹命二子受業程端禮之門至正九年旌其門

成化志

范涇妻董氏名守貞生而貞靜沉默女紅之暇錄古人經驗方察藥性以衛養二親俟其二弟成立乃字適范五年

而夫亡姑與母欲奪其志泣曰夫亡幸有子矧姑與母皆
年老孰與供養如有復我者請以死謝之教育子女皆成
人年七十卒至正四年旌表其門

成化志

謝懷正妻陳氏仁和人生子惟敬甫二歲而夫亡時年二
十父欲攜之歸誓死不從奉姑教子年八十一卒郡守邱

楠奏旌其門

嘉靖志

張穀寶妻祝氏名清年二十三歸張爲繼室時夫已疾革
期月而卒初穀寶娶傅氏無子納二妾長馬生子遂孫次
李生康孫李性悍妬待傅氏無禮傅以憤懣卒及清至李
假主父遺命立已爲嫡凡貲產悉據有之清善遇馬氏鞠
育其子如己出遂孫長娶而有子子復生子及孫凡三世

清尙無恙壽八十五卒

成化志

汪彌亨妻陳氏年十九歸汪明年有子曰常久甫二歲汪死諸父昆弟欲奪而嫁之哭曰老姑弱息汪氏不絕如綫以是而有二心犬豕不食吾餘矣奉姑保孤五十餘年如一日有司聞於朝旌其門

戴良汪節婦傳

蔡志善妻夏氏字守貞定海人年二十四歸蔡三年生子敬未及晬而志善死時海上兵起隣有嫠婦嘗相與誓死守義後竟易其心而更誘之以甘言婦謝絕之終其身弗與見後姑病婦焚香爇臂乞以身代病旋愈教子必納於

矩度

戴良蔡節婦墓志

金氏詳定使程徐妻也京城旣破謂其女曰汝父出捍城

我三品命婦汝儒家女又進士妻不可受辱抱二歲子及

女赴井死

元史列女傳

薛明道女名義字尙四許字宦家子未及歸而夫死貞守不嫁事親惟謹饋奩具植孝思堂於父墓側薛氏世享焉

開志

陸燾妻趙氏吉安幕長澤孫女燾鄞處士主塾海寧至正間兩浙多虞與趙隱居松之瓢湖丁未夏海隅有警兵猝至燾偕趙倉皇赴舟同難者爭舟燾竄登岸將復攜以行而兵偪之傷刃者三逐仆深淖趙竟自投於淵當時有歌之者曰四月三日兵撓湖婦女多被辱與驅殉節伊誰天

水姝

松江府志